



**Broj: T18 0 KT 0017911 24**  
**Brčko, 22.11.2024. godine**

Na osnovu člana 35 stav (2) tačka i) i člana 226 stav (1) Zakona o krivičnom postupku Brčko distrikta BiH, podižem:

### OPTUŽNICU

#### Protiv:

**B. N.**, rođen ...1977. godine u Brčkom (...),

#### Što je:

Dana 27.08.2024. godine, oko 22,00 sati, na lokalnom putu u mjestu Brka, Brčko distrikt BiH, upravljajući putničkim motornim vozilom marke „VW Passat“, registarskih oznaka ..., krećući se iz pravca naselja Brod prema mjestu Gornji Rahić, suprotno odredbi člana 174 stav (1) i (2), odredbi člana 44 stav (1), odredbi člana 39 stav (2) i odredbi člana 55 stav (1) Zakona o osnovama bezbjednosti saobraćaja na putevima u Bosni i Hercegovini („Službeni glasnik BiH“ broj 6/06, 75/06, 44/07, 84/09, 48/10, 18/13, 8/17, 89/17 i 9/18), svjestan da je u alkoholisanom stanju sa količinom alkohola od 2,81 g/kg, što predstavlja stadij teškog pijanstva, stadij u kojem se pojavljuje vozomotorna, psihomotorna i muskulomotorna uzetost, tok misli se ne može pratiti i jako je komplikovano zapaženje i shvatanje, objektivno procjenjivanje situacije potpuno nedostaje, pažnja i percepcija su jako površni i kratkotrajni, a povremeno se u potpunosti gube, predmeti se redovno duplo vide i dolazi do pospanosti, svjestan da u takvom stanju nije sposoban za sigurnu vožnju i da može ugroziti javni saobraćaj na putevima i dovesti u opasnost život i tijelo ljudi, na šta je pristao, te svjestan da na putu u naselju vozilom ne smije da se kreće brzinom većom od 50 km/h, osim ako saobraćajnim znakom nije drugačije određeno, svjestan da je dužan držati vozilo u kretanju što bliže desnoj ivici kolovoza i na tolikoj udaljenosti od nje da, s obzirom na brzinu kretanja vozila, uslove saobraćaja i stanje i osobine puta, ne ugrožava druge učesnike u saobraćaju i sebe ne izlaže opasnosti, te svjestan da je pri mimoilaženju dužan sa svoje lijeve strane ostaviti dovoljno rastojanje između vozila kojim upravlja i vozila sa kojim se mimoilazi, a po potrebi i da vozilo pomjeri ka desnoj ivici kolovoza, na šta je sve pristao, po dolasku u mjesto Brka, neposredno poslije skretanja za zaseok Musići, u blizini kuće Z. T., brzinom od oko 60 km/h, gdje je najveća dozvoljena brzina kretanja vozila 40 km/h regulisana saobraćajnim znakom ograničenja brzine, ne držeći vozilo u kretanju što bliže desnoj ivici kolovoza i tako ne ostavljajući dovoljno rastojanje između svog vozila i vozila sa svoje lijeve strane, čeonim lijevim dijelom vozila prešao preko neisprekidane linije kolovoza na lijevu kolovoznu traku u smjeru kretanja, u širini oko 1m i prilikom mimoilaženja čeonim lijevim uglom vozila ostvario kontakt sa prednjim bočnim lijevim dijelom putničkog motornog vozila marke „Audi A3“, registarskih oznaka ..., kojim je upravljala M. D., dok se na mjestu suvozača nalazio A. D. (rođen ... godine), a na zadnjem sjedištu A. D. (rođen ... godine), koja se svojom saobraćajnom trakom kretala

iz pravca Gornjeg Rahića ka naselju Brod, brzinom od oko 50 km/h, tako što je udario u prednji lijevi blatobran i točak putničkog motornog vozila „Audi A3“, čime je došlo do rotiranja vozila zadnjim dijelom udesno u suprotnom smjeru kazaljki sata u njihov zaustavni položaj, a kojom prilikom su M. D., A. D. i A. D. zadobili lake tjelesne povrede koje su konstatovane od strane ljekara specijaliste JZU „Zdravstveni centar Brčko“,

dakle, pod uticajem alkohola upravljao motornim vozilom, iako je zbog toga očigledno bio nesposoban za sigurnu vožnju i time tako ugrozio javni saobraćaj na putevima da je doveo u opasnost život i tijelo ljudi,

čime je, učinio krivično djelo -Ugrožavanje javnog saobraćaja zbog omamljenosti- iz člana 327 stav (1) Krivičnog zakona Brčko distrikta BiH.

[...]

---

**\*\*Ovom objavom ne prejudicira se ishod krivičnog postupka i ne narušava princip presumpcije nevinosti. Svako se smatra nevinim dok se pravosnažnom presudom ne utvrdi njegova krivica.\*\***

---